



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-I/25-2-40-003-3/21

Datum: 08.02.2021.god.

«Agencija za vodno područje rijeke Save» Sarajevo rješavajući po zahtjevu investitora „KOMOTIN” d.o.o. Jajce za izdavanje vodne suglasnosti za ispuštanje tehnoloških otpadnih voda iz stanice za tehnički pregled vozila koja se planira graditi u industrijskoj zoni grada Jajce u blizini magistralnog puta Donji Vakuf – Jajce, u prirodni recipijent, na osnovu člana 139. stav (1) točka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

R J E Š E N J E **o vodnoj suglasnosti**

1. Investitoru, „KOMOTIN” d.o.o. Jajce, daje se vodna suglasnost za izgradnju stanice za tehnički pregled vozila i ispuštanje prečišćene vode u prirodni recipijent, na parceli označenoj kao k.č. broj 799/7, K.O. Pijavice, općina Jajce, sukladno projektnoj dokumentaciji: Glavni projekat izrađen od „TZI-INŽENJERING” d.o.o. Sarajevo pod nazivom Glavni projekt prikupljanja, odvodnje i tretman otpadnih voda za poslovni objekat-stanica za tehnički pregled vozila u Jajcu, oznake 726/2020 iz 12/2020.god., a u postupku pribavljanja građevinske dozvole za predmetne radove.
2. Vodna suglasnost izdaje se na određeno vrijeme, sa rokom važenja od dvije godine od dana pravosnažnosti vodne suglasnosti.
3. Vodna suglasnost odnosi se isključivo za ispuštanje tehnoloških otpadnih voda iz stanice za tehnički pregled vozila u vodotok Vrbasa i ne oslobađa podnosioca zahtjeva obaveze pribavljanja vodne suglasnosti a za čije izdavanje je nadležno Ministarstvo poljoprivrede, vodoprivrede i šumarstva Kantona Središnja Bosna, u skladu sa članom 139. stav 2. točke 1. i 2. Zakona o vodama.
4. Vodna suglasnost se daje na osnovu utvrđenog činjeničnog stanja i pregleda investiciono-tehničke dokumentacije iz točke 1. Ovog Rješenja koja je sastavni dio ovog rješenja i ista se, ovjerena od strane ove Agencije, vraća investitoru na trajno čuvanje.
5. Vodna suglasnost se daje pod slijedećim uvjetima:
 - 5.1. Glavni projekat izrađen od „TZI-INŽENJERING” d.o.o. Sarajevo pod nazivom Glavni projekt prikupljanja, odvodnje i tretman otpadnih voda za poslovni objekat-stanica za tehnički pregled vozila u Jajcu, oznake 726/2020 iz 12/2020.god. je dostavljen u printanoj formi, uvezan i ovjeren od strane projektanta i nakon ovjere od strane AVP Sava vraća se Investitoru na trajno čuvanje.
 - 5.2. Radove na izgradnju stanice za tehnički pregled vozila, izvesti u skladu sa projektnom dokumentacijom iz točke 1. dispozitiva ovog Rješenja kao i Elaborata za određivanje granica Vodnog dobra izrađenog od poduzeća GEODATA d.o.o. Jajce oznake OGVD-00391-JC-2020 iz 12/20.
 - 5.3. Od Izvođača radova odnosno isporučioća opreme, pribaviti garanciju da će parametri kvaliteta prečišćenih voda biti u granicama propisanih vrijednosti, definiranih

- Uredbom o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH» broj 26/20).
- 5.4. Način ugradnje opreme za prečišćavanje otpadnih voda i stavljanje istog u pogon uskladiti sa proizvođačem opreme u svim fazama.
 - 5.5. Zabranjuju se bilo kakve aktivnosti u području vodnog dobra ako nisu propisane članom 12. Zakona o vodama («Službene novine Federacije BiH», broj 70/06).
 - 5.6. U toku radova iskopani materijal ne smije se ni privremeno odlagati na čestice koje pripadaju vodnom dobru (priobalni pojas), odnosno u vodotoke ili na njihove obale ili vodozaštitne zone.
 - 5.7. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 5.8. Izgradnju kontrolnog revizionog okna, odnosno okna za monitoring, izvesti prije ispusta a nakon separatora ulja i masti.
 - 5.9. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obala i korita vodotoka, pogoršanje kvaliteta voda i dr.).
 - 5.10. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 03-23-4-36/18-1 od 02.11.2020.god. izdano od Službe graditeljstva/ urbanizma, prostornog uređenja, geodetskih, katastarskih i imovinsko-pravnih poslova Općine Jajce.
6. Ukoliko predmetnom izgradnjom dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Investitor je obavezan uzroke štete otkloniti a nastalu štetu nadoknaditi.
 7. Po završetku izgradnje stanice za tehnički pregled vozila i obavljenog tehničkog pregleda izvedenih radova, korisnik vodne suglasnosti dužan je podnijeti zahtjev za izdavanje vodne dozvole za ispuštanje tehnoloških/zauljenih oborinskih voda u prirodni recipijent. Zahtjev se dostavlja u skladu sa važećim Pravilnikom o sadržaju, obliku, uvjetima, načinu izdavanja i čuvanja vodnih akata.
 8. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
 9. Ova vodna suglasnost prestaje važiti istekom roka od dvije godine, od dana izdavanja iste, ukoliko u tom roku ne bude pribavljeno odobrenje za građenje i započeta izgradnje stanice za tehnički pregled vozila, sukladno izdanim suglasnostima i dozvolama.

O b r a z l o ž e n j e

Investitor „KOMOTIN“ d.o.o. Jajce podnio je zahtjev za ispuštanje prečišćene tehnološke otpadne vode iz stanice za tehnički pregled vozila i u prirodni recipijent, na parceli označenoj kao k.č. broj 799/7, K.O. Pijavice, općina Jajce.

Uz zahtjev je dostavljena slijedeća dokumentacija:

- Aktualni izvadak iz sudskog registra br 051-0-Reg Z-20-001673 od 22.12.2020.god. izdan od općinskog suda u Travniku.
- Uvjerenje o poreznoj registraciji od 03.07.2017.god. izdano od Kantonalnog, poreznog ureda u Novom Travniku.
- Uvjerenje o registraciji PDV-a br. 04/1-17-1-UPJR/1-4253-2/17 od 26.7.2017.

- Urbanistička suglasnost br. 03-23-4-36/18-1 od 02.11.2020.god. izdano od Službe graditeljstva/ urbanizma, prostornog uređenja, geodetskih, katastarskih i imovinsko-pravnih poslova Općine Jajce.
- Glavni projekt izrađen od „TZI-INŽENJERING“ d.o.o. Sarajevo pod nazivom Glavni projekt prikupljanja, odvodnje i tretman otpadnih voda za poslovni objekat-stanica za tehnički pregled vozila u Jajcu, oznake 726/2020 iz 12/2020.god..
- Elaborata za određivanje granica Vodnog dobra izrađenog od poduzeća GEODATA d.o.o. Jajce oznake OGVD-00391-JC-2020 iz 12/20.
- Rješenje o PVS br UP-I/25-1-40-410-4/18 od 06.09.2018.god. izdano od AVP Sava.
- Odobrenje za priključak na gradsku vodovodnu mrežu br. 01-2268/20 od 12.11.2020.god. izdano od JKP „Vodovod i Kanalizacija“ d.o.o. Jajce.
- Uplatnice za upravnu taksu.

U dokaznom postupku utvrđeno je da je projektna dokumentacija urađena u skladu sa uvjetima iz Rješenja o prethodnoj vodnoj suglasnosti, broj: UP-I/25-1-40-410-4/18 od 06.09.2018.god. izdato od strane "Agencije za vodno područje rijeke Save" Sarajevo, te je sukladno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna suglasnost na isti.

Na osnovu dostavljene projektne dokumentacije, a u cilju smanjenja negativnih uticaja predmetne izgradnje na stanje voda i vodni režim, podnosiocu zahtjeva su ovom vodnom suglasnosti, u točki 5. dispozitiva Rješenja, propisani uvjeti u skladu sa odredbama Zakona o vodama; članom 10. Pravilnika o sadržaju, obliku, uvjetima načinu izdavanja i čuvanja vodnih akata, te odredbama Uredbe o uvjetima ispuštanja otpadnih voda u prirodne recipijente i sisteme javne kanalizacije koje je investitor obavezan ispuniti tijekom gradnje.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama («Službene novine Federacije BiH», broj 6/98 , 9/08, 45/10 i 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se taksira sa 15,00 KM u biljezima po tarifnom broju 3. tarife federalnih upravnih taksi.

Voditelj postupka

Marko Barić, dipl.inž.građ.

Prilog:

Ovjeran Glavni projekt izrađen od „TZI-INŽENJERING“ d.o.o. Sarajevo pod nazivom Glavni projekt prikupljanja, odvodnje i tretman otpadnih voda za poslovni objekat-stanica za tehnički pregled vozila u Jajcu, oznake 726/2020 iz 12/2020.god.

Po ovlaštenju
Rukovodilac Sektora za izdavanje vodnih akata

Haris Ališehović, dipl. ing.građ.

Dostaviti:

- „KOMOTIN“ d.o.o. Jajce, Lučina bb, Jajce (Prilog)
- Ⓞ AVP-ISV -Vodna knjiga,
- Sektor 40, arhiva
- Oglasna ploča – AVP Sava